

ESTATUTOS DA FEDERACIÓN OLÍVICA DE ASOCIACIONES DE NAIS E PAIS DE ALUMNOS/AS (FOANPAS)

CAPÍTULO I – DA ASOCIACIÓN EN XERAL

Artigo. 1- Coa denominación de FEDERACIÓN OLÍVICA DE ASOCIACIONES DE NAIS E PAIS DE ALUMNOS/AS DE VIGO E COMARCA constitúese unha entidade ao abeiro da Lei Orgánica 1/2002, do 22 de marzo, e normas complementarias, con capacidade xurídica e plena capacidade para obrar, carecendo de ánimo de lucro.

Artigo. 2- Esta federación constitúese por tempo indefinido.

Artigo. 3- Quen a forma, e os seus fins

A federación está formada en exclusiva por ANPAS procedentes do ensino público, que aceptan os principios nos que se fundamenta esta Federación:

Conquerir un ensino público de alta calidade e gratuíto que desenvolva a personalidade humana no respecto aos principios democráticos, e as liberdades fundamentais, centrado no país e aberto ao mundo e formando no respecto do pluralismo e da convivencia.

Artigo. 4- Principio da autonomía dos asociados

- A Federación respecta a autonomía de cada unha das asociacións de nais e pais asociadas, sen inmiscuirse nos seus asuntos internos
- A Federación non é responsábel dos actos individuais que programen as asociacións federadas, nin pode reclamar a ningún asociado que adopte ou apoie acordos que vaian contra os seus intereses, nin apoiar a ningunha ANPA asociada en prexuízo de outra ou contra outras.

Artigo.5 – Principio da igualdade dos asociados

A Federación ten como baseamento o principio de igualdade de todas as ANPAS que a forman.

Artigo. 6- Principio da liberdade de asociación

A ligazón ou separación de cada ANPA da Federación é libre e voluntaria

Artigo. 7- Principio de Independencia

Ningunha asociación nin directivo pode utilizar a FOANPAS en defensa de intereses particulares e persoais ou con fins partidistas.

FOANPAS é independente de calquera organización política



CAPÍTULO II - DENOMINACIÓN, OBJETO, DOMICILIO E ÁMBITO TERRITORIAL

Artigo. 8- Denominación:

FEDERACIÓN OLÍVICA DE ASOCIACIONES DE NAIS E PAIS DE ALUMNOS DE VIGO E COMARCA (FOANPAS).

Artigo. 9- Obxecto:

FOANPAS ten por obxecto:

- a) Coñecer a situación do ensino público, e divulgar no seu ámbito todas aquelas medidas e actuacións que axuden ao seu desenvolvemento de conformidade co disposto no artigo 3º
- b) Representar e defender ás ANPAS federadas e os seus intereses, para a defensa e mellora do sistema público de ensino
- c) Colaborar coas autoridades educativas da Consellería de Educación, do Concello de Vigo e doutros concellos do seu ámbito, así como en calquera outra área da Administración ou entidade relacionada co eido socio educativo, participando en todos os organismos e consellos, facendo suxestións, propostas e informes nos que se recollan as opinións do colectivo dos pais e nais no sistema educativo, e establecendo convenios e concertos para o mellor cumprimento dos nosos obxectivos.
- d) Fomentar a creación de Consellos escolares municipais en todos os concellos do noso ámbito
- e) Potenciar e coordinar os esforzos e inquedanzas e aspiracións de todas as ANPAS que pertencen a FOANPAS
- f) Potenciar a formación de ANPAS en todos os centros e niveis así como a integración das mesmas en FOANPAS.
- g) Asociarse con outras Federacións a nivel autonómico, estatal e europeo, sempre que teñan os mesmos fins e natureza; ou impulsar a creación dunha Confederación a nivel provincial e/ou autonómico que sendo da mesma natureza recolla os nosos fins e obxectivos, e que garante a nosa participación e/ou eleve as nosas propostas a todos os organismos de ámbito superior ao do noso territorio de actuación.
- h) Promover toda clase de actividades culturais e formativas que sirvan para potenciar a formación integral dos nenos e nenas e dos seus pais e nais, futores legais
- i) Concibir a lingua e cultura de Galicia como o xeito de sermos e estarmos os galegos no mundo e eixo vertebrado dun ensino de calidade.



- k) Potenciar a participación de nais e pais nos consellos escolares e a colaboración franca coas equipas directivas dos centros, na procura do ensino público de alta calidade
- l) Informar, orientar, asesorar e acompañar ás ANPAS en prol dunha intervención socioeducativa baseada na convivencia armónica de cara a favorecer a integración e socialización de colectivos vulnerables (estranxeiros, alumnado con necesidades específicas de apoio educativo...)

Artigo. 10- Domicilio:

O domicilio social de FOANPAS establécese de conformidade co convenio vigorante co Concello de Vigo, no Instituto Municipal de Educación, Camiño do Chouzo, 2 C.P. 36208, na cidade de Vigo, provincia de Pontevedra.

Artigo. 11-Ámbito territorial:

O ámbito territorial de FOANPAS, é o do Concello de Vigo e os da súa área comarcal.

CAPÍTULO III- DOS ASOCIADOS

Artigo. 12- Quen pode ser membro:

Poden ser membros de FOANPAS todas as ANPAS de centros de ensino públicos non universitarios do seu ámbito territorial legalmente constituídas, que formalmente o soliciten.

Artigo .13- Da adquisición da condición de membro:

O procedemento de adquisición da condición de membro de FOANPAS implica: solicitude por escrito, dirixido ao presidente de FOANPAS, coa seguinte documentación:

- a) Certificación do acordo tomado en Xunta Directiva ratificado pola Asemblea da ANPA (de conformidade aos seus estatutos), no que se acordou o ingreso en FOANPAS.
- b) Domicilio e características do centro educativo e da sede social da ANPA, e os seus teléfonos.
- c) Relación nominal dos membros da Xunta Directiva da ANPA, cos seus cargos, enderezos, teléfonos ou contactos.
- d) Copia dos Estatutos legalizados.
- e) Declaración da Directiva da ANPA do nome da persoa que a vai a representar en FOANPAS.

Si no prazo dun mes desde a entrega da solicitude, por parte de FOANPAS non se pon reparos motivados a súa admisión, esta enténdese producida.

A inadmisión que terá que ser motivada, é recorrible ante a primeira Asemblea Xeral de FOANPAS.

Artigo. 14- Da perda da condición de membro:

A perda da condición de membro de FOANPAS, prodúcese polas seguintes causas.

- Por vontade da ANPA asociada, mediante acordo adoptado de conformidade aos seus estatutos e comunicado formalmente por escrito a FOANPAS.
- Por incumprimento das obrigas económicas como entidade asociada, e logo da reiteración da petición de subsanación da carencia.
- Por incumprimento doutras obrigas derivadas da súa asociación e dos presentes estatutos.

A expulsión de ANPAS asociadas será acordada pola Xunta Directiva, trala audiencia do representante interesado. En todo caso, o acordo de expulsión deberá ser ratificado pola Asemblea xeral extraordinaria e contra a súa resolución poderase recorrer perante a xurisdición ordinaria

A expulsión dunha entidade asociada por causa do punto c) debe ser acordada por maioría de 2/3 dos membros da Directiva de FOANPAS, ata a súa ratificación o acordo terá carácter provisorio.

O acordo de expulsión temporal de conformidade coa menor gravidade dos feitos pode estar limitado de un a tres cursos escolares.

A expulsada é responsábel das obrigas económicas contraídas legalmente pola Federación no seu tempo de pertenza, e na súa parte alícuota, e perde cantos dereitos lle corresponden sobre os bens e dereitos colectivos da Federación.

Poderá recorrer o acordo de expulsión ante a primeira Asemblea Xeral.

Artigo. 15- Dereitos dos/as asociados/as:

- Participar con voz e voto nas Asembleas Xerais e nos Plenarios
- Ser electos para cargos directivos de FOANPAS
- Recibir información sobre temas educativos e culturais de interese para o noso colectivo.
- Participar nos beneficios que lle correspondan pola participación na Federación.
- Solicitar convocatoria de Asemblea extraordinaria a petición dun mínimo do 10% dos asociados.
- Calquera dereito que se derive dos presentes Estatutos.

Artigo. 16- Deberes dos/as asociados/as:

- Asistir ás Asembleas xerais.
- Satisfacer as cotas económicas que se establezan.



- 2000
- c) Cumprir os Estatutos e acordos da Asemblea Xeral
 - d) Comunicar por escrito anualmente, no primeiro trimestre, a composición da Xunta Directiva da ANPA asociada así como o seu representante en FOANPAS, do mesmo modo que calquera variación que poida xurdir ao longo do ano. En caso de que non puidera asistir á algunha das Asembleas o representante notificado, deberá comunicar por escrito asinado a FOANPAS a súa delegación de voto con 24 horas de antelación, indicando no texto o motivo polo cal non pode asistir e os datos identificadores de nome, apelidos e NIF do representante e do seu substituto.
 - e) Comunicar a FOANPAS o nº de alumnos e alumnas do centro e de familias asociadas.

CAPÍTULO IV - ÓRGANOS DE GOBERNO

Artigo. 17- Os órganos de goberno

Os órganos de goberno de FOANPAS son:

- a) Colexiados:
 - Asemblea Xeral, máximo órgano de goberno.
 - Xunta Directiva, órgano Colexiado en que a asemblea delega o goberno da asociación.
- b) Unipersoais:
 - Presidente/a
 - Vicepresidente/a
 - Secretario/a
 - Tesoureiro/a
 - Vogais

Artigo. 18- A Asemblea Xeral

- a) A Asemblea xeral é o máximo órgano de goberno de FOANPAS, e estará formada por todos os seus asociados. O/A presidente/a e o/a secretario/a serán os mesmos que os da Xunta Directiva.
- b) A asemblea xeral reunirse con carácter ordinario dúas veces ao ano, ao principio e ao final de curso, e con carácter extraordinario tantas veces o acorde a Xunta Directiva ou o soliciten o 10% dos asociados. Neste caso realizarase por medio de escrito dirixido á Presidencia, autorizado coas sinaturas dos e das representantes das ANPAS asociadas no que se expoña o motivo da convocatoria e a orde do día.



Artigo. 19- A Asemblea Xeral ordinaria como a extraordinaria serán convocadas con 15 días de antelación pola Presidencia de FOANPAS, e deberá ser notificada por escrito aos/as asociados/as.

Na convocatoria han de aparecer o lugar, data e hora da asemblea, así como a orde do día con expresión concreta dos temas para tratar e os anexos que procedan. Tamén haberá de sinalarse a hora da segunda convocatoria, sen que entre a primeira e a segunda convocatoria poda mediar un prazo inferior a media hora.

Artigo. 20- Para que as Asembleas podan tomar acordos, estarán integradas polos/as representantes das ANPAS federadas asistentes, sempre que concorran a metade máis un do total de representantes na primeira convocatoria ou con calquera número de representantes asistentes na segunda convocatoria.

Artigo. 21- Os acordos tomaranse por maioría simple das persoas presentes ou representadas cando os votos afirmativos superen aos negativos, non serán computables os votos en branco nin as abstencións.

Será precisa a maioría cualificada de 2/3 das persoas presentes ou representadas, que resultará cando os votos afirmativos superen a metade destas, para:

- Ratificar a expulsión das e dos asociados por proposta da Xunta Directiva.
- Aprobar a federación con outras federacións.
- Solicitar a declaración de utilidade pública

Artigo. 22- Competencias da Asemblea xeral ordinaria:

- Aprobar as actas da Asemblea anterior.
- Elixir os membros da Xunta Directiva.
- Examinar e aprobar o plan de actividades proposto pola Xunta Directiva.
- Examinar e aprobar as contas e balances do exercicio anterior.
- Aprobar o orzamento proposto pola Xunta Directiva.
- Aprobar o Regulamento de réxime interno de FOANPAS.
- Fixar as cotas ordinarias e extraordinarias.
- Resolver os recursos e reclamacións que se formulen ante a Asemblea Xeral contra acordos de Órganos da Federación.
- Tomar medidas sancionadoras nos termos destes Estatutos.
- Aprobar calquera medida de contido económico como: préstamos, alugamentos...
- Calquera outra decisión que se derive dos presentes Estatutos



Artigo. 23- A Asemblea Xeral Extraordinaria, é proposta pola Xunta Directiva por acordo da maioría absoluta dos seus membros, ou a petición dun 10% da ANPAS asociadas; e nela procede:

- a) Fixar as cotas extraordinarias
- b) Aprobado ou modificar os Estatutos da Federación.
- c) Aprobado a incorporación ou abandono de FOANPAS a unha Confederación de ámbito superior
- d) Disolver FOANPAS e nomear aos liquidadores.
- e) Solicitar a declaración de utilidade pública.
- f) Autorizar o alleamento, gravame ou hipoteca dos bens sociais.
- g) Elixir ou ratificar os integrantes da Xunta Directiva
- h) Ratificar a expulsión de ANPAS asociadas a proposta da Xunta Directiva.
- i) Calquera asunto correspondente a Asemblea Xeral ordinaria que pola súa urxencia estime a Xunta Directiva.

Artigo. 24- Os acordos adoptados conforme cos preceptos anteriores obrigarán a todos e todas os/as asociados/as, mesmos aos non asistentes.

As sesións comezarán coa lectura por parte do secretario/a da acta da asemblea anterior que deberá ser aprobada. A continuación comunicará a orde do día. Cada punto será informado polo membro da Xunta Directiva que corresponda, procedéndose á súa aprobación nos termos contidos nestes estatutos, segundo a materia que se trate.

Unha vez rematados todos os asuntos da orde do día abrírase, se así o considera oportuno a presidencia ou o solicitan un 10% dos asociados inscritos no libro de membros, a quenda de preguntas e suxestións. Concluídos este punto, o/a presidente/a dará por rematada a sesión.

Artigo. 25- Poderase recorrer contra os acordos que vaian contra destes estatutos ou infrinxan os fins de FOANPAS en reposición perante a Asemblea xeral. A partir da resolución deste recurso quedará expedita a vía para recorrer perante a xurisdición ordinaria.

Artigo.26- A Xunta Directiva

FOANPAS será xestionada e representada por unha Xunta Directiva composta por presidencia, vicepresidencia, secretaría, tesourería e, de ser o caso, vogalías e/ou persoal de apoio.

Todas as persoas que compoñen a Xunta Directiva deberán formar parte dunha das ANPAS asociadas, maiores de idade, estar en pleno uso dos dereitos civís e non estar incurso nos motivos de incompatibilidade establecidos pola lexislación vixente.

Todos os cargos que compoñen a Xunta Directiva serán gratuítos sen prexuízo do dereito a ser reembolsados dos gastos debidamente xustificadas.

Os cargos deberán ser designados e revocados pola Asemblea Xeral extraordinaria e o seu mandato terá unha duración de 2 anos e poderán ser reelixidos.

Artigo. 27- Dos membros da Xunta Directiva

Os membros da Xunta Directiva cesarán na súa función polas seguintes causas:

- Por renuncia voluntaria comunicada por escrito á Xunta Directiva.
- Por expiración do mandato.
- Por incumprimento das obrigas que tiña encomendadas.
- Causas de incompatibilidade coa pertenza á Xunta Directiva:
 - A pertenza á executiva ou dirección, tanto local como comarcal, provincial ou nacional, de calquera partido político.
 - Ocupar un cargo por designación política na Administración educativa de calquera ámbito.
 - Seren candidatos/as eleccións Municipais, Autonómicas, Xerais ou Comunitarias, mentres dure o proceso electoral.
 - Resultar elixido concelleiro, deputado autonómico, deputado nas Cortes Xerais ou Senador, nas correspondentes eleccións e mentres posúa a acta correspondente.
 - O desenvolvemento de calquera actividade, pública ou privada, que puidera producir conflito de intereses con FOANPAS, a xuízo da Asemblea Xeral convocada ao efecto.

No caso a) continuarán nos seus cargos ata o momento no que se produza a aceptación de quen os substitúa.

Artigo. 28- A Xunta Directiva reunirse con carácter ordinario unha vez ó mes e con carácter extraordinario cantas veces o determine a Presidencia ou por petición de calquera dos seus membros.

As convocatorias realizaranse como mínimo con tres días de antelación mediante citación persoal na que se recollerá a orde do día.

Realizada a convocatoria, a xunta quedará constituída pola asistencia da metade máis un dos seus membros e para que os seus acordos sexan válidos deberán ser tomados por maioría de votos. No caso de empate, o voto do/a presidente/a será de calidade.

Artigo. 29- Son facultades da Xunta Directiva:

- Executar os Acordos da Asemblea Xeral.
- Dirixir as actividades sociais e levar a xestión económica e administrativa da asociación, acordando realizar os oportunos contratos e actos.
- Convocar as Asembleas xerais.
- Formular e someter a aprobación da Asemblea xeral o programa de actuación, así como a memoria de xestión correspondente.



- e) Formular e someter a aprobación da Asemblea xeral o orzamento do exercicio, así como os balances e as contas do exercicio pechado.
- f) Resolver sobre a admisión de novos/as asociados/as.
- g) Crear comisións de traballo co fin de delegar nelas a preparación de determinados actos e actividades ou recadar delas informacións necesarias. Ó cargo destas comisións designarase un membro da Xunta Directiva.
- h) Nomear delegados para determinadas actividades de FOANPAS, con independencia de que formen ou non parte da Xunta Directiva.
- i) Interpretar os estatutos e o Regulamento de réxime interno e velar polo seu cumprimento.
- k) Calquera outra facultade que non sexa de exclusiva competencia da Asemblea xeral.

Artigo. 30- A Presidencia

A Presidencia de FOANPAS terá as seguintes atribucións:

- a) Representar legal e publicamente a Federación perante calquera organismo público ou privado.
- b) Presidir e dar por rematadas as sesións que celebre a Xunta Directiva e a Asemblea xeral, dirixir as deliberacións dunha e doutra, e decidir con voto de calidade en caso de empate.
- c) Adoptar as medidas necesarias e/ou urxentes para o bo funcionamento de FOANPAS, sen prexuízo de dar conta posteriormente á Xunta Directiva.
- d) Ordear e autorizar mediante sinatura conxunta co/a Secretario/a, Vicepresidente/a e/ou Tesoureiro/a os pagamentos, actas, documentos, certificacións e correspondencia.

Artigo. 31- A Vicepresidencia

É un órgano persoal de apoio á Presidencia, e substitúe a este en caso de vacante, ausencia ou enfermidade. De producirse a dimisión do Presidente pasa a ocupar a Presidencia, ata que o se acorde a elección de novo Presidente/a.

Artigo. 32- A Tesourería

- a) Exerce a dirección dos traballos de xestión económica de FOANPAS, custodia os fondos, leva os libros contables e os inventarios
- b) Elabora os orzamentos, as contas anuais e os balances perante a Xunta Directiva, custodia os xustificantes dos pagamentos e dos ingresos.
- c) Xunto coa Presidencia ou persoa delegada polo mesmo, asina os talóns bancarios.

[Handwritten signatures]

Artigo. 33 – A Secretaría

- Recibirá e tramitará as solicitudes de ingreso, levará o rexistro de asociacións federadas e terá ó seu cargo a dirección dos traballos administrativos da entidade.
- Notificará as convocatorias, levantará acta das reunións, expedirá certificación destas co visto e praxe da Presidencia, despachará o correo ordinario, e arquivará a documentación.
- Convocará as reunións coa orde do día co visto e praxe da Presidencia.
- Presentar as contas anuais e cumprir as obrigas documentais nos termos que legalmente se establezan

Artigo. 34- A Vogalía

O número de membros que determine a Asemblea Xeral terá as seguintes atribucións:

- Realizar programas e proposta na súa área de actuación.
- Desempeñar os traballos que lle sexan encomendados pola Xunta Directiva.

Artigo. 35- Persoal de apoio: colaboradores.

A Xunta Directiva poderá propor que as persoas que se encontren ligadas ao ensino público participando dos seus fins e obxectivos, e que de forma voluntaria estean dispostas a colaborar con FOANPAS, teñan o estado de colaborador, como persoas de apoio pola súa experiencia como antigos membros da Xunta Directiva de FOANPAS.

A estas persoas por parte da Xunta Directiva, pódenselle atribuír funcións de apoio concretas, ou especiais e sectoriais.

No caso de atribuírle unha función concreta poderá participar inicialmente nas reunións da Xunta Directiva con voz e sen voto, ata pasados 5 anos consecutivos momento no cal poderían optar a voz e voto nestas reunións.

A Xunta Directiva pode cesar ao persoal de apoio en calquera momento, por maioría simple.

Artigo. 36 – Persoal de apoio técnico e administrativo.

O persoal técnico-administrativo poderá representar a FOANPAS en entidades públicas e/ou privadas, tras acordo previo da Xunta Directiva.

Ao igual que aos colaboradores, por parte da Xunta Directiva pódenselle atribuír funcións de apoio concretas, ou especiais e sectoriais. Así como participar nas reunións de Xunta Directiva con voz e sen voto.

Artigo. 37 - Colaboradores/as Honoríficos/as:

Os/As colaboradores/as honoríficos/as non terán as mesmas obrigas nin dereitos que os demais asociados agás na posibilidade de intervir nos órganos de representación e dirección de FOANPAS con voz pero sen voto.



Artigo. 38- Órganos Consultivos.

FOANPAS poderá contar con dous órganos asesores

a) Consello Asesor.

Composto por persoas ligadas ao ensino público ou que pola súa experiencia persoal ou profesional contrastada podan aportar os seus coñecementos a FOANPAS.

b) Comisións de estudio.

Formado por nais/pais de alumnos/as, persoal das ANPAS e/ou de apoio responsables de abordar temas concretos e temáticas específicas relacionadas co eido socio educativo. Deberá contar cun membro da Xunta Directiva entre os seus compoñentes.

CAPÍTULO IV- RECURSOS ECONÓMICOS

Artigo. 39- A Federación como entidade sen ánimo de lucro, en ningún caso poderá distribuír os recursos obtidos entre os/as asociados/as, senón que, deberán destinarse exclusivamente dos seus fins.

Artigo. 40- O exercicio da Federación será de ano escolar. Así o seu orzamento será de curso lectivo e deberá ser aprobado pola Asemblea xeral ordinaria do exercicio económico que corresponda e a liquidación do orzamento terase que presentar necesariamente, na Asemblea xeral ordinaria inmediatamente posterior ó remate do exercicio.

Artigo. 41- Anualmente e con referencia ó derradeiro exercicio económico de cada ano, practicarase o inventario e o balance de situación, que se formalizará nunha memoria que será posta a disposición dos/as asociados/as durante un prazo non inferior a 15 días do día sinalado para a Asemblea xeral ordinaria, que deberá aprobalo ou censuralo.

Artigo. 42- Os seus recursos económicos están constituídos por:

- Cotas ordinarias e extraordinarias.
- Donativos e subvencións que poidan conceder organismo públicos, entidades privadas ou particulares.
- Ingresos para a xestión de labores, asumidas con motivo de asinar convenios ou acordos.
- Enaxenación de activos, ou contribucións dos socios.
- Calquera outro que sexa lexítimo en dereito pola normativa para actividades non lucrativas.



Artigo .43- Para a disposición de fondos das entidades bancarias onde a federación os ten depositados, deberá a entidade bancaria ter recoñecidas as sinaturas que corresponden ó/a presidente/a, e o/a vicepresidente/a ou tesoureiro/a, para o seu emprego conxunto.

CAPÍTULO V- MODIFICACIÓN DE ESTATUTOS E DISOLUCIÓN DA ASOCIACIÓN

Artigo .44- Os presentes estatutos poderán ser modificados por proposta da Xunta Directiva ou un cuartos dos/as asociados/as.

A convocatoria da Asemblea xeral extraordinaria estará acompañada do texto coas modificacións propostas, abríndose un prazo de 10 días para que calquera asociado/a poida dirixirle á Secretaría as propostas ou emendas que considere oportunas. Estas complementarán a documentación da citada Asemblea e serán entregadas cunha antelación mínima de 3 días a súa realización.

Artigo .45- Para ser aprobada a reforma dos estatutos será necesario o voto favorable de 2/3 dos membros da asemblea xeral de asociados/as.

Artigo .46- A Disolución de FOANPAS requirirá:

- Vontade por dous tercios dos/as asociados/as, e sempre que o outro tercio non asuma a súa xestión e continuidade.
- Por disposicións legais de obrigado cumprimento
- Por sentenza xudicial.

Artigo .47- A aprobación da disolución, inviste a Xunta Directiva como órgano liquidador que deberá inventariar todo o pertencente a FOANPAS e tras facer liquidacións das posibles cargas existentes, deberá facer entrega do noso material e activos, entre as ANPAS do noso ámbito de acordo coas súas necesidades.

DISPOSICIÓN ADICIONAL

En todo canto non estea previsto nos presentes estatutos, aplicarase a vixente Lei 1/2002, do 22 de marzo, reguladora do dereito de asociación, e as disposicións complementarias.



Don Esteban Rodríguez Fernández, secretario da Federación á que se refiren os presentes Estatutos, fai constar que estos quedaron redactados coa inclusión das modificacións acordadas na Asemblea Xeral Extraordinaria do 12 de abril de 2012.

O SECRETARIO

Esteban Rodríguez Fernández

Vº.Bº. O PRESIDENTE

Alfonso André André



XUNTA DE GALICIA
CONSELLERÍA DE PRESIDENCIA,
ADMINISTRACIÓN PÚBLICA E XUSTIZA
DELEGACIÓN PROV. DE PONTEVEDRA

Inscrita a modificación por resolución de ^{29 AGO 2012}
da asociación n.º ²⁰⁰⁴⁻¹³¹⁻²
aos sós efectos de publicidade de conformidade co
artigo 22 da constitución e artigo 16 da L.O. 1/2002.
Pontevedra ²⁹ de ^{AGO} de 20 ²⁰¹²
VISADO



A XEFA DO SERVIZO

Carriñán, 29 de Agosto de 2012
Carmen Girón Daviña